


Vischnaunca da Medel/Lucmagn



**Reglament
per il stab da commando communal SCC
dalla
vischnaunca da Medel/Lucmagn**

I. Organisaziun e direcziun

Sebasond sin art. 9 dalla lescha d'agid en cass da catastrofas dil cantun Grischun, ha la vischnaunca da nominar in stab da commando e circumscriver ils pensums e las cumpetenzas da tal.

Art. 1 General

Il stab da commando communal ei suttamess directamein alla suprastonza communal. El vegn activaus da tala en cass da prighel e catastrofas.

Art. 2 Intent

Igl intent dil SCC ei la coordinaziun denter ils corps d'agid existents dalla vischnaunca da Medel (pumpiers, survetsch da lavinas, uniuon samaritana e protecziun civila) en cass da prighel e catastrofas.

II. Repartiziun dils pensums

Art. 3 Suprastonza communal

La suprastonza communal

- a) ei responsabla per la preparaziun digl agid da catastrofas;
- b) pren las decisiun da principi tier ina missiun da catastrofa;
- c) mantegn en mintga cass la responsabladad politica;
- d) alarmescha il SCC;
- e) nominescha in menader d'acziun.

Il cau dil departament cloma inagada ad onn il stab da commando communal ad ina seduta.

Art. 4 Stab da commando communal

Il stab da commando

- a) ei igl organ d'agid dalla suprastonza communal;
- b) informescha e cussegia la suprastonza e fa las retschercas necessarias per mauns dalla suprastonza communal;
- c) coordinescha las mesiras ed exequescha las decisiuns dalla suprastonza communal.

Art. 5 Pensums e cumpetenzas dil SCC

Il stab da commando communal

- a) prepara e decida sur dallas mesiras immediatas;
- b) procura per las informaziuns per mauns dalla suprasonza communal;
- c) procura per igl alarm e l'informaziun dalla populaziun;
- d) organisescha igl agid d'ordeifer (vischnauncas cunfinontas, protecziun civila, militar, gruppas da salvament);
- e) surpren lavurs organisatorias suenter in schabetg;
- f) mantegn il contact cun vischinadis, vischnauncas vischinontas, cun gruppas da salvament regiunalas e cun igl uffeci cantunal;
- g) meina in protocol dall'acziun.

Art. 6 Menader d'acziun

Sco menader d'acziun funcziunescha in commember dalla suprastonza communal. Il post da menader d'acziun sa era vegnir delegaus entras la suprastonza communal ad in auter commember dil SCC.

Art. 7 Post da commando

Il post da commando vegn endrizzaus en casa communal a Curaglia.

Art. 8 Carnet da duers pil menader d'acziun

Il menader d'acziun

- a) decida sur dalla lavur ed organisaziun dil stab;
- b) meina il SCC duront in'acziun;
- c) cusseglia ed informescha l'istanza politica duront in'acziun.

III. Determinaziuns finalas

Art. 9 Vigur

Quest reglament passa en vigur cun l'acceptaziun dalla radunonza communal. El remplazza il reglament per il stab da commando communal SCC per la vischnaunca da Medel/Lucmagn dils 7 da november 1996.

Quest reglament ei vegnius approbaus dalla radunonza communal dils 20 da mars 2003.

La presidenta communal:

Il canzlist communal:

Anna Bundi-Pally

Valentin Pally